

VON DEM DRITTE WIND

Der dritt wind kompt von der Sonnen vndergang/haist in latein *Sa* *fauonig, V*
Quonius oder *Eurus occidentalis*, in teütsch West wind/ist kalt vnd *Eurus oc*
feucht/der hat auch zu ainer yetwedern seitten ain andern wind. Der zu der *cidentalis*
rechten haist Zephirus in latein/in teütsch West sud ist stirmig mitt regen.
Der zu der lincken seitten haist in latein *Cirtius*, in teütsch West nord/bringt
nebel in klarhait/seind all drey gesund/ye doch nach mittag sind sy gesünder
wann darvor/vnd thund vil guts an vnßern leiben/Krefftigen seerung leüt
Den alten seind sy schedlich/wann sy bringen den alten leütten den husten:
vnd vil flüß/vnd machen sy eng vmb die prust

VON DEM VIERTEN WIND

Der vierdt wind kompt von mitternacht vnd haist in latein *Aquilo* *Aquilo.*
in teütsch nord wind/ist kalt vñ schneüet. Der hat auch zu ainer yeden
seitten ain andern wind. Der zu der rechtē haist in latein *Chorus*, in teütsch
Nord west/schneüet vnd hagelt. Der zu der lincken seitten haist in latein *Bo*
reas, in teütsch Nord ost/ist kalt vnd trucken/sind all gesund/stercken vnd
Krefftigen vnßere leib vnd verstellen die flüß/bestetigen die dewung. machē
hertte stül machen wol harnen/machen auch den menschen wol essen/sind
auch fruchtbar weibern vñ mannen/sy werden bald geberhaft wo die wind
in ire kamern geend. Auch alle thier sollen gestelt werden an disē lufft/sy ent
pfahen bald vnd werden fruchtbar. Item sy sind auch keltter wann die and
ern wind. Welches ain vrsach ist zu der dewung. Auch machē sy den mensch
en geringfertig vnd wol gefert. machen auch gutte küne vnd manliche leüt
auch machen sy die leüt sinnreich vnd verstendig. vnd wol hörn. Auch ma
chen sy den husten wintters zeit/kelte halben vnd feuchtikait vmb die prust.
welche die lung verseret/machen flüße des haupts/geschwulst der zeen vnd
des angesichts des halß/auch geschwer in den helsen vnd den Kathar/vnd
vil andere zufellige krankhait

Man soll ettlich wind meiden
Vnd gebresten kummet ee
Dann seid der mensch nit mag gesein
Ist er lautter vnd auch pur
Ist er vnrainer bringt schmerzen
Danumb so meyð als ich hie will

Wann ich sag dir das leiden
Von lust dann kainen dingen me
On lust er muß in ziehen ein
Dester besser ist er der natur
Vnd vergiffet bald die hertzen
Grobe lufft vnd nebel vil

21 iq